

XORIJIY VALYUTANI SOTISH BO'YICHA SHARTNOMA (OMMAVIY OFERTA)

Xorijiy valyutani sotish bo'yicha shartnoma (bundan keyin – Shartnoma) “Banklar va bank faoliyati to'g'risida”gi qonuni, “Valyutani tartibga solish to'g'risida”gi qonun, “Elektron to'lovlar to'g'risida”gi qonuni, “Elektron raqamli imzo to'g'risida”gi qonuni, “Elektron tijorat to'g'risida”gi qonuni, “Elektron xujjat aylanishi to'g'risida”gi qonuni, “O'zbekiston Respublikasida valyuta operatsiyalarini amalga oshirish” qoidalari va boshqa me'yoriy hujjatlarga muvofiq ishlab chiqilgan bo'lib, bank va mijoz o'rtasida xorijiy valyuta sotuvini “Internet Banking” masofadan xizmat ko'rsatish tizimi (bundan keyin – Tizim) orqali amalga oshirishni belgilaydi.

1. UMUMIY QOIDALAR

1.1. Ushbu oferta “Biznesni rivojlantirish banki” ATB (bundan keyin – Bank) hamda tizim ishtirokchisi (bundan keyin – Mijoz) o'rtasida elektron tarzda tuzildi. Shartnoma tizimdagi “Zayavka na pokupku-prodaju inostrannoy valyuti” moduli orqali masofadan turib xorijiy valyutani sotish uchun amal qiladi. Mazkur oferta shartnomani tasdiqlash orqali Mijoz amalga oshirilgan xizmatlar uchun akseptsiz tartibda o'zining O'zbekiston Respublikasida ochilgan barcha hisobvaraqlaridan bankka to'lanadigan haqni undirishga rozilik beradi.

1.2. Tizimda ishlash uchun Mijoz internet tarmog'iga ulanish imkonini beruvchi qurilma (uskuna), internet aloqasiga ega bo'lishi lozim. Mijoz tomonidan tizim orqali yuborilgan buyurtmalarning va to'lov hujjatlarini asl nusxalari bank tomonidan talab etilmaydi. Tizim Bank mulki hisoblanadi.

2. SHARTNOMA PREDMETI

2.1. Bank mazkur shartnomada belgilangan shartlar va tartibda haq evaziga Mijozga uning buyurtmasida ko'rsatilgan miqdordagi xorijiy valyutani sotib olishni, Mijoz esa buyurtmada belgilangan miqdorda xorijiy valyutani sotish majburiyatini oladi. Xorijiy valyutani sotish Bank tomonidan bitimni amalga oshirish sanadagi o'rnatilgan tijorat kursi bo'yicha amalga oshiriladi.

2.2. Ushbu “Tizim” orqali, Mijoz xorijiy valyutani sotish uchun masofadan turib buyurtma taqdim qilish va hisob kitoblarni amalga oshirishi mumkin. Buyurtmada qayd etilgan ma'lumotlarning haqqoniyligi yuzasidan javobgarlik buyurtmani taqdim etgan xo'jalik yurituvchi sub'ekt (Mijoz) zimmasiga yuklatiladi.

3. MIJOZ UCHUN MASOFADAN XIZMAT KO'RSATISH TIZIMI:

3.1. Masofadan xizmat ko'rsatish tizimi orqali Mijoz va bank o'rtasida axborot almashinuvi hamda Mijoz tomonidan masofadan turib buyurtma taqdim qilishi va hisob-kitoblar bank tomonidan o'rnatilgan vaqt oralig'ida amalga oshiriladi.

3.2. Mijoz tizimning “Internet Banking” dasturi internet tarmog'iga ulanish imkonini beruvchi qurilma orqali o'ziga birlashtirilgan ikey elektron kalit orqali login va parol bilan kirib bankning <http://www.brb.uz/> veb-saytidagi yuridik shaxslar uchun “Internet Banking” bo'limidan “Zayavka na pokupku-prodaju inostrannoy valyuti” modulini tanlaydi.

4. TOMONLARNING HUQUQLARI


4.1. Mijoz huquqlari:

-Mijoz xorijiy valyutani sotish bo'yicha xamda xizmat ko'rsatish bilan bog'lik ma'lumotlar bilan tanishishga haqli;

-Xarid qilingan milliy valyutadan o'z xohishiga ko'ra O'zbekiston Respublikasi amaldagi qonunchiligi doirasida foydalanish.

4.2. Bankning huquqlari:

-Mijoz tomonidan buyurtma noto'g'ri to'ldirilgan holatda, xorijiy valyuta sotuvi bo'yicha



xizmatlarni ijro etishdan voz kechish;

-“O‘zbekiston Respublikasida valyuta operatsiyalarini amalga oshirish” qoidalariga va (yoki) amaldagi qonunchilik hujjatlariga zid bo‘lgan buyurtmani rad etish;

-Tijorat banklarida jinoiy faoliyatdan olingan daromadlarni legallashtirishga, terrorizmni moliyalashtirishga va ommaviy qirg‘in qurolini tarqatishni moliyalashtirishga qarshi kurashish bo‘yicha ichki nazorat qoidalariga” (ro‘yxat raqami 2886, 2017-yil 23-may) muvofiq mijoz hisobvarag‘i bo‘yicha operatsiyalarni to‘xtatib turishga yoki ularni amalga oshirishni rad etishga haqli;

-Qonunchilik hujjatlarida taqiqlanmagan boshqa huquqlarga ham ega bo‘lishi mumkin.

5. TOMONLARNING MAJBURIYATLARI

5.1. Mijoz majburiyatlari:

-Mijoz milliy va xorijiy valyutada hisobvaraqa ega bo‘lishi;

-Mijoz chet el valyutasini Bank tomonidan bitimni amalga oshirish sanadagi o‘rnatilgan tijorat kursi buyicha sotishga;

-Buyurtmada ko‘rsatilgan xorijiy valyutani sotish uchun yetarli xorijiy valyuta pul mablag‘lariga ega bo‘lishi;

-Taqdim etilgan buyurtmaga muvofiq sotib olingan so‘m mablag‘larini qabul qilish;

-“Jinoiy faoliyatdan olingan daromadlarni legallashtirishga va terrorizmni moliyalashtirishga qarshi kurashish to‘g‘risida”gi qonunchilik talablariga Bank tomonidan rioya etish va bajarish uchun zarur bo‘lgan ma‘lumotlar hamda hujjatlarni Bankka taqdim etish.

5.2. Bank majburiyatlari:

-Mijoz taqdim etilgan buyurtma bankning tarkibiy bo‘linma tomonidan qabul qilingan kundan keyingi bank ish kunidan kechiktirmasdan ko‘rib chiqish;

- Mijoz yoki mijoz tomonidan amalga oshirilayotgan operatsiya 2886-ga asosan yuqori darajadagi tavakkalchilik toifasiga kiritilgan taqdirda bank ushbu mijozni tekshirishning kuchaytirilgan chora-tadbirlarini – operatsiya bo‘yicha pul mablag‘lari yoki boshqa mol-mulkning manbalari haqidagi qo‘shimcha ma‘lumotlarni olish, maqsadlarini o‘rganish, ushbu mijoz tomonidan amalga oshirilayotgan operatsiyalar ustidan doimiy monitoring yuritish va bu haqda komplaens nazorat xizmati mas‘ul xodimiga xabar berishlari shart.

6. FORS-MAJOR

6.1. Bartaraf qilib bo‘lmaydigan kuchlar, holatlar (fors-major) bu tomonlarga o‘z majburiyatlarini bajarishga imkoniyat bermaydigan, oldindan aytib bo‘lmaydigan va kutilmagan favqulodda holatlar, tomonlarning irodasi, istagi va faoliyatiga bog‘lik bo‘lmagan sabablarga ko‘ra paydo bo‘lgan tabiiy ofatlar (zilzila, yer ko‘chishi, to‘fon, qurg‘oqchilik), ijtimoiy-iqtisodiy vaziyatlar (harbiy harakatlar, asirga tushish, davlat manfaatini ko‘zlash maqsadida import-eksportni taqiqlash, karantin choralari o‘rnatish), xalqaro, banklararo va bankning to‘lov hamda ta‘minot tizimlaridagi buzilishlar, bankning dasturiy ta‘minotiga qaratilgan tahdidlar (uchinchi shaxslar tomonidan uyushtirilgan hujum).

6.2. Fors-major vaziyatlar yuzaga kelganda tomonlar ushbu vaziyatlar bartaraf etilgunga qadar shartnoma bo‘yicha majburiyatlarni bajarishdan ozod etiladi.

6.3. Fors-major vaziyatlari yuzaga kelganligi va u bartaraf etilganligi haqidagi xabarlar tomonlarda mavjud bo‘lgan barcha aloqa manbalari orqali jo‘natilishi mumkin (SMS va MMS xabarnomalarini istisno etgan holda).

7. OSHKOR QILINMAYDIGAN MA‘LUMOTLAR

7.1. Mazkur shartnomani tuzish va uni bajarish vaqtida tomonlar bir-birlaridan olgan barcha ma‘lumotlar oshkor etilmaydigan ma‘lumotlar hisoblanadi.

7.2. Shartnomani tuzish va shartnoma bo‘yicha majburiyatlarni bajarish vaqtida tomonlardan biri boshqa tomonning tijorat siri hisoblangan oshkor etilmaydigan axborot va ma‘lumotlarni

ATB "Biznesni rivojlantirish banki"

YURIDIK DEPARTAMENTI



ma'lumot egasining rozilgisiz oshkor etganligi uchun javobgar bo'ladi.

7.3. Tomonlar ushbu bilan mazkur shartnomaning qat'iy sir saqlanishiga rioya etish va sir saqlanishini ta'minlash hamda tomonlarning o'zaro rozilgisiz uchinchi shaxslarga ushbu ma'lumotlarni oshkor etmaslik majburiyatini o'z zimmalariga oladilar.

7.4. Mazkur talab shartnoma amalda bo'lgan vaqtda va shartnoma muddati tugagandan keyin uch yil mobaynida amal qiladi.

7.5. Mazkur talablarni buzgan tomon, ushbu talabni buzish natijasida yetkazilgan zararni to'liq qoplaydi.

8. NIZOLARNI HAL QILISH TARTIBI

8.1. Tomonlar mazkur shartnoma bo'yicha majburiyatlarni bajarish vaqtida yuzaga kelgan kelishmovchilik va bahslarni muzokara yo'li bilan hal qilishadi.

8.2. O'zaro kelishish imkoniyati mavjud bo'lmaganda, ikkinchi tomon huquqlari buzilgan tomonning talabiga yoki ogohlantiruvchi xatiga unda ko'rsatilgan muddatlarda javob berishi lozim.

8.3. Talab yoki ogohlantiruvchi xat shaxsan taqdim etish, elektron manzilga jo'natish yo'li bilan yoki pochta xizmati orqali buyurtma xat bilan amalga oshirish mumkin.

8.4. O'zaro kelishish bilan hal qilib bo'lmaydigan nizolar O'zbekistan Respublikasi qonunlari bilan o'rnatilgan tartibda sud orqali hal qilinadi.

9. KORRUPSIYAGA QARSHI KURASHISH SHARTI

9.1. Taraflar mazkur Shartnoma doirasida antikorrupsion qonunchilik talablariga qat'iy rioya qilish va hech qanday korrupsion holatlarga yo'l qo'ymaslik majburiyatini o'z zimmasiga oladi.

10. SHARTNOMANI AMAL QILISH MUDDATI

10.1. Ushbu shartnoma Mijoz tomonidan mazkur ofertani elektron raqamli imzo orqali qabul qilishi bilan yuridik kuchga kiradi. Mazkur shartnomaning amal qilish muddati u bo'yicha majburiyatlarning to'liq ijro etilishiga qadar.

